

Script of Morning Gojri News Bulletin 13 August 2024 at 1015Hrs

ما رننگ گو جری نیو ز بلیٹن مو رخہ 13 اگست 2024

\*\*\*\*\*

یوہ آکا شوانی جموں بے محمد مبارک ماہرتیں خبر سُنو۔

### Terror Associated Arrested

جاری انسدادِ دہشت گردی کا روائی غے دوران اک اہم پیش رفت مانہہ حفاظتی دستاں نے ضلع دوڈہ، اُدھم پور تے کٹھوعہ غا اُچیرا علاقوں تک پُجن تے دہشت گردانہ سرگرمی شروع کرن غا سلسلہ مانہہ اوور گراؤنڈ ورکرز نیٹ ورک غا کٹھوعہ سنگ تعلق رکھن آلا اک سرغنا نانہہ اس غا 8 ساتھیوں سمیت رسد فراہم کرن تے دہشت گرداں غی رہنمائی کرن ور حراست مانہہ لیو بے۔ آکا شوانی جموں غا نامہ نگار غے مطابق مذکورہ کنگ پن ماڈیول غی پشان محمد لطیف عرف حاجی لطیف جھپڑو ضلع کٹھوعہ غا امبے نل غو رہن آلو بے غا طور ور ہوئی۔ اک پولیس ترجمان نے دسیو بے جے گرمائی ڈھوک مانہہ کُل 50 تیں متو بندو رہا ئش پذیر بے۔ جن وچوں گُجاں نے غیر ملکی ٹینٹاں غے نال کھان پین، پناہ تے مواصلاتی مدد فراہم کرن خاطر تحقیقات مانہہ دوشی پایا گیا ہیں۔ ترجمان نے دسیو بے کہ یہ لوک جھپڑا ڈھوکاں مانہہ جائیں وے اپنا مال چران غا مقصد نال ان بالائی علاقوں تے پہاڑاں مانہہ اپنو ڈھیرو بساویں۔ ترجمان نے دسیو بے جے تحقیقات غے دوران پتو لگو بے جے مذکورہ افراد وچوں 3 تیں 4 لوک 8 جو لائی نانہہ ضلع کٹھوعہ غا بلا ور مچھڈی علاقہ غا بد نوٹہ غا مقام ور ہوا حادثہ مانہہ 5 فوجی جواناں سمیت 1 جو نئیر کمیشن افسر غی موت غی وجہ بنیا۔ پولیس نے دسیو بے جے ان لوکاں نے پولیس نانہہ ویلہ سر نہیں دسیو تے نال دہشت گرداں کولوں رقم وی وصول کی۔

\*\*\*\*\*

### LG Sinha

گذشتہ روز لیفٹنٹ گو رنر منوج سنہا نے کہیو بے کہ مرکز غا فعال تعاون غی وجہ سنگ جموں کشمیر انتظامیہ نانہہ قرض غی میراث تیں کڈن ور اس نانہہ معاشی طور ور پائیدار خطہ غی راہ ور لان آلے پاسے کا میاب رہی بے۔ یاہ گل اُن نے گذشتہ روز بین القوامی کنونشن مرکز سرینگر مانہہ اک پریس کانفرنس سنگ خطاب غے

دوران کہی۔ اُن نے کہیو جے جموں کشمیر مانہہ اک قرض دار ربا ست غا طوق رور جانیو جائے تھو پر پچھلا 5 بہراں تیں جموں کشمیر انتظامیہ نے جموں کشمیر مانہہ اک خود انحصار خطو بنان با رے کم کیو ہے۔ اُن نے کہیو جے مینا کوئے پو چھے کہ میں پچھلا 5 سال کسطرح دیکھیا ہیں۔ تے ہوں کہوں غو کہ یہ سال امن خوشحالی تے بڑی امیدیں سنگ بھریا وا تھا۔ لوک سبھا انتخابات مانہہ لوکاں غی ریکارڈ شرکت دیکھن مانہہ آئی اور اُت 58 فیصد ووٹینگ حقیقت مانہہ اک بڑی کامیابی ہے۔ اُن نے کہیو جے جموں کشمیر مانہہ پچھلا 3 بہراں تیں بجلی غی نرکھاں مانہہ بابدو نہیں کیو گیو ہے اور جموں کشمیر غا لوکاں مانہہ پنجاب، ہماچل تے بریانہ غا مقابلہ مانہہ سستا نرخاں ور بجلی لب ربی ہے۔ لیفٹنٹ گورنر نے دفعہ 370 تے 35 اے غی منسوخی مانہہ اک تاریخی تبدیلی قرار دیتاں واں کہیو کہ اس قدم تیں بغیر نصف آبا دی اپنا حقوق تیں محروم تھی۔ ایل جی نے کہیو جے پچھلا 5 بہراں مانہہ جموں کشمیر بینک، اہم مالیاتی اداراں غا بڑا قرضیاں تیں کڈیو گیو ہے۔ اور یوہ اک منافہ بخش ادارو ہے۔ اُن نے کہیو کہ جموں کشمیر انتظامیہ تمام شعباں مانہہ مضبوط بنان اور بابدو دین واسطے پُر عزم ہے۔ مجموعی ربا سستی گھریلو پیداوار یعنی جی ایس ڈی پی با رے گل کرتاں واں اُن نے دسیو کہ رواں مالی سال غے دوران 7.5 فیصد غی شرح سنگ امید ہے۔ اُن نے دسیو جے مالی سال 25/2024 واسطے مجموعی ربا سستی گھریلو پیداوار غو تخمینو 2 لکھ 63 ہزار 3 سو 99 لایو گیو ہے۔ جھپڑو کہ مالی سال 24/2023 غا مجموعی ربا سستی گھریلو پیداوار غے مقابلے 7.5 فیصد بابدو ہے۔

\*\*\*\*\*

## Har Ghar Tiranga

حب الوطنی تے اتحاد گا شاندار مظاہرہ مانہہ ضلع انتظامیہ نے ”برگھر ترنگا“ مہم غے تحت اور آزادی تہاڑا غی تقریبات غا اک حصہ غا طور رور جموں خطہ پھر مانہہ ترنگا ریلی کڈی۔ اس سلسلہ مانہہ ضلع انتظامیہ سانہہ نے وی اک میگا ترنگا ریلی غو انعقاد کیو۔ جھپڑی ضلع سانہہ غا تاریخی قلعہ تیں شروع ہوئی اور ویر بھومی پارک مانہہ اختتام پذیر ہوئی۔ جھپڑی ضلع سانہہ غا لوکاں غا اتحاد تے حب الوطنی غی نشانی ہے۔ اس ریلی مانہہ سماج غا بکھ بکھ طبقاں غا لوکاں نے بڑا جوش و خروش نال حصو لیو۔ جن مانہہ ضلع تے سیکٹر افسر، غیر سرکاری تنظیم، رضا کار طلباء نے

وی حصو لیو۔ اُت ضلع رامبن مانہہ قومی فخر تے اتحاد با رے اک شاندار مظاہرہ مانہہ ضلع انتظامیہ رام بن نے ضلع پھر مانہہ مچ ساری بڑی ترنگا یاتراں غو اہتمام کیو۔ حُب الوطنی غی یاہ تقریب اہم مقامات ور منعقد کی گئی۔ جس مانہہ سب ڈویژنل صدر دفتر بانہال، رامسو، گول تے تحصیل بٹوت شامل ہیں۔ گول مانہہ ترنگا، موٹر سائیکل ریلی کڈی گئی۔ جس سنگ علاقہ غی سڑکاں ور حب الوطنی غو جو ش تے جذبہ دیکھیو گیو۔ اس بر گھر ترنگا مہم مانہہ ضلع پھر غا تعلیمی اداراں، کالجاں، اسکولاں تے دوجی تنظیمماں نے وی حصو لیو۔ اُت ضلع راجوری مانہہ وی پی ڈبلیو ڈی ڈاک بنگلہ تیں بر گھر ترنگا مہم غے تحت ترنگا ریلی غو اہتمام کیو گیو۔ یاہ ریلی پی ڈبلیو ڈی ڈاک بنگلہ تیں نکل غے اسپورٹ اسٹیڈیم کھیوڑہ مانہہ مو کلی۔ جت اک ثقافتی کنسرٹ غو وی اہتمام کیو گیو۔ سرکا غی طرفوں ترنگا عہد وی لیو گیو۔ جس مانہہ اُنہاں نے قومی جھنڈا غا وقار تے عزت نانہہ برقرار رکھن اور مُلک غا شہریاں غے بشکار اتحاد تے سالمیت نانہہ بابدو دین با رے وی عہد کیو۔

\*\*\*\*\*

#### Chief Secretary

گذشتہ روز چیف سیکریٹری اتل ڈلو نے گھر کوٹھا تے شہری ترقیاتی محکمہ غی اک بیٹھک غی صدارت کرتاں واں اسمارٹ سیٹی مشن، ای بساں تے کچرا غا انتظام سمیت بکھ بکھ ترقیاتی پروجیکٹاں ور ہون آلی پیش رفت با رے جائزو لیو۔ اس موقعہ ور چیف سیکریٹری نے دوہاں شہراں مانہہ جاری سمارٹ سیٹی پروجیکٹاں ور متوقع پیش رفت بارے مثبت کوشش کرن غا سلسلہ وار زور دتو۔

\*\*\*\*\*

#### Tax Collection

یکم اپریل تیں 11 اگست تک مجموعی راست ٹیکس غی وصولی پچھلا سال غی اسے مُدت غا مقابلہ مانہہ 23 عشاریہ 99 فیصد بدھ غے 8 عشاریہ 13 لکھ کروڑ روپیاں غی مالیت تک پُج گئی ہے۔ آمدنی محکمہ نے دسیو ہے جے پچھلا سال اسے مُدت غے دوران 6 عشاریہ 55 لکھ کروڑ غی وصولی ہوئی تھی۔ تے خالص وصولی 6 عشاریہ 93 لکھ کروڑ روپیاں غی مالیت درج کی گئی ہے۔ جھیڑی 22 عشاریہ 48 فیصد غا باہدا نانہہ ظاہر کرے۔

\*\*\*\*\*

اس غے نال ہی خبراں غو یوہ بلیٹن ختم بوؤ۔